

ԲՈՅՍԵՐԻ ՄԵԾԱՐԱՆՔԸ

ԱԼԵԳՍԱՆԴՐ ՔԻՇԽԻՇԵԱՆՅԻ

Ամեն ժամանակներում, մարդկային ազգի զարգացման որոշ աստիճանի վերաջ գտնելիս, շատ բոլոր ունեցել են առանձին խորհրդաւոր նշանակութիւն և մարդիկ նոցա իբրեւ սրբութիւն պաշտելիս են եղել։ Որովհետեւ նախկին մարդուն լատուկ էր իւրաքանչիւր իրան չըջապատող առարկայ բացատրել իւր հասկացողութեան համաձայն, ալս պատճառով բոլորի խորհրդաւոր նշանակութիւնն և նոցա սրբազան մեծարանքը փոփոխուում էր համեմատ մարդուս զարգացման աստիճանին։ Յալանի գիտնական Տէլլօրն իւր «Կրթութեան ծագումն» անուն երկասիրութեան մէջ դուրս է բերած բոլորի պաշտօնի կամ մեծարանքի հետզհետէ զարգացման մի քանի աստիճանները։ Նորա ասելով մի քանի ազգեր կարծում են թէ ծառն ունի բանական էակի բոլոր որակութիւններն ու լատուկութիւններն և հետեւապէս կարող է ըստ իւր կամաց մնասել կամ պաշտպանել մարդուն։ Թէ նորա մէջ չար ոգիներ են լառաջացել և իբրեւ թէ ծառ կարող է լինել հանգիստ առնելու մի վալս, ուր հաճութեամբ իջնում է մի որ և է երկնային ոգի։ Ուստի և ծառերի չըջակալքը շատ լարմար տեղ էին համարուում աղօթարաններ շինելու և զոհեր մատուցանելու ի պատիւ նոցա մէջ բնակող ոգիների։

Սրկրպագութեան և մեծարանաց զարգացման ալս վերջին աստիճանում միակերպ սրբազան էին համարուում թէ առանձին առած ծառերն և թէ ամբողջ անտառները, ուր մարդիկ անխտիր կանգնեցնում էին հնունձ իրանց աղօթարանները։

Եթէ առանձին ծառերը կամ ամբողջ անտառը մարդուս աչքում սրբազան էին համարուում, ոչ պակաս պաշտելի էին նորա համար և ծաղիկները։ Մարդս՝ պաշտելի Աստու ուշադրութեան արժանանալու կամ նորա ցասումը մեղմացնելու համար, նորան ծաղիկներ էր մատուցանում կամ զոհում էր նորան իւր ալքու կամ պարտիղի երեխալիքը։ Բետազալ ժամանակներում՝ մարդս իւր զարգացման աւելի բարձր աստիճանի վե-

րալ, ծաղիկներին աւել է խորհրդաւոր նշանակութիւն և նոցանով հմակ-
լով՝ գուշակել էր իւր բաղդն ու վիճակը:

Ներկալ չօղւածում մտադիր ենք համառօտակի լաւաջ բերել ծա-
ղիկներին, ծառերի և առհասարակ անտառի խորհրդաւոր և սրբալան նշա-
նակութիւնն, որ տեղի է ունեցել մարդկային աղբի զանաղան ցեղերի
աչքում՝ նոցա մի որոշ զարգացման աստիճանի վերալ ևղած ժամանակ:
Սորան կից լաւաջ կը բերենք մեր ազգի հեթանոսական շրջանից սկսած
մինչև մեր ժամանակները բուսական թագաւորութեան աւած լարդանքը,
ի հարկէ որքան մեղ կը ներեն ալն կցկտուր և կարճ անդեկութիւններն՝
որ ցրւած են մեր հին և նոր դրականութեան մէջ, չը խորշելով և բանա-
ւոր աւանդութիւններէից, որ պտտում են ալժամ մեր ժողովրդի մէջ: Պարտք
ենք համարում սակալն մեր ասածներին աւելացնել և ալն՝ որ ալս դէպքում
ձեռնպահ պիտի մնանք մեր լաւաջ բերած փաստերին որ և է բացատ-
րութիւն տալու, ալ պիտի բաւականանանք ալք փաստերն ընթերցողին
իրբ տեղեկութիւնների ժողովածու ներկայացնելով: Խոստովանում ենք
որ մեր ժողոված փաստերը չատ թերի են, մանաւանդ ազգային աւան-
դութիւնների վերաբերմամբ, որովհետեւ սոցա ի մի ժողովն և լոյս
ընծալելն աղբին աւելի ծանօթ և ազգային մատենադրութեան աւելի
հմուտ անձի դործ է:

Ինչոր ազգերից՝ արեւելեան ժողովուրդների աչքում ծաղիկ-
ները աւելի մեծ նշանակութիւն ունեն, աւելի պատիւի են, ար-
ժանանալով նոցա առանձին ուշադրութեան: Մանաւանդ Պարս-
կաստանում և Հնդկաստանում իւրաքանչիւր ծաղիկ որ և է զաղա-
փարի նշան է: Օրինակի համար՝ հնդկաց կրօնի մէջ դունաւոր և հոտաւետ
ծաղիկները ամենից շատ էին լարդում և արժանանում աստուածներին
նւիրարեւելու: ալն ինչ տերիներ և հասարակ ծաղիկները զոհում էին
կամ պատմական նշանակութիւն ունեցող հանգամանքներում կամ եթէ ալք
բոլորի տերներն ու ծաղիկները կապ ունէին որ և է խորհրդաւոր առար-
կաների հետ: Այսպէս՝ Տրիմուրտի կամ երրորդութեան ներկայացուցիչ
աստուածուն նւիրւած էին երկու բոլսեր, որ մեր աւուրտի (եօնջալի) նման
երեք տերև ունին և նշանակում են երրորդութիւն: Կրիշնաւու և Վիշնու
աստուածներին նւիրւած է մեր ուէհանի տեսակից մի բոլս, որ ունի սպի-
տակ և անուշահոտ ծաղիկներ: վասն որոշ ալք բոլսն առանձին պատուի
արժանանալով դործ է զրուում ամենալն օր զոհաբերութեան ժամանակ:
Աւանդութեամբ Կրիշնաւուն Բրինդարունի կաթնալվաճառ աղջկանց հետ
խաղացել է կաղամբա կոչւած ծառի տակ, որի գնդաձև գեղին ծաղիկ-
ները լատկապէս նորան են նւիրւած: Հնդկաստանում ալք ծաղիկները
սրբալան են համարում, ուստի նոքա նկարւած ու քանդակւած են շատ

թանկապին իրերի և առարկաների վերայ: Աւանդութեամբ նոյն Պրիշա-
նուն իւր սրնգի նւագով չափշտակում էր կաթնավաճառ աղջկանց Բակուշա
կոչւած ծառի սակ: Ուստի ալժամ ալդ բոլորի ղեղին և անուշահոտ ծաղիկ-
ները նւիրւած են նորան և Սիպին: Մի ծառ ևս՝ որ կոչւում է պէրէջտոտի,
համարւում է խորհրդաւոր բաց ոչ սրբազան: Սորա ծաղիկները ծաղկում
էին Խնգրալի պարտէզում, հրկնքում, Կրիշանուի երկու ամուսինները վի-
ճում էին թէ նոցանից որին է պատկանում ալդ ծաղիկն որ զոգացել է
նոցա ամուսինն երկնային պարտէզից: Այն օրից, երբ Կրիշանուն գողա-
ցաւ ալդ ծաղիկը, սա անխեղ և մնաց հրկրի վերայ իբրև բոլոր ծա-
ղիկներից վատթարագոյնը: Ուստի և ալդ ծաղիկը չէ գործածւում զոհարե-
րութեանց ժամանակ:

Հնդկաց առասպելաբանութեան մէջ Կամադեւան ինչպէս Կուպիդոնը
սիրոյ Աստուած է և նոյնպէս նկարած է նեա ու աղեղով: Առասպելը
պատմում է՝ որ նորա նետերը շրջապատւած են հինգ տեսակի նւիրակա-
ն ծաղիկներով: Նոյն Կամադեւան նւիրած է պանդանգ բոլոն, որի ծաղկո-
ւիչին անուշահոտ է: Ալդ ծաղկափոշին հաւաքում են և ի վաճառ հանում,
որովհետև հարսանեաց օրն ալդ ծաղկափոշին դսրծ է ածւում նորապուսի-
ների վերայ թափելու համար:

Առհասարակ այն բոլոր ծաղիկներն որ իրանց զսնով, զեղեցկու-
թեամբ և հոտով աչքի են ընկնում, արեւելան ազգերը նւիրաբերում են
աստուածներին: Այս պատճառով Հնդկաստանում իւրաքանչիւր մի ալդ-
պիսի ծաղիկ տաճարի դրանը կանգնած սալմանիս կոչւած ծաղկավաճառ-
ները առաջարկում են հաւատացեալներին, որ գնում են աստուածներին
նւիրաբերութեան համար: Իսկ այն վերոյիշեալ չափութիւններ չունեցող
ծաղիկներն առասպելական աւանդութիւնների մէջ սովորաբար վերաբեր-
ւում են կամ աստուածութեան հետ կապ ունեցող որ և է հանգամանքին
կամ աւանդութիւնը ալդպիսիներին տալիս է որ և է խորհրդաւոր նմանու-
թիւն այն աստուծու չափականիներին, որին ալդ ծաղիկները նւիրւած են:

Հնդկաց և մանաւանդ եգիպտացւոց առասպելաբանութեան մէջ մեծ
նշանակութիւն ունէր լուտաս բոլոր, որ շատ նման է միւր հարսնամատին
(նունուֆարին): Լուտասն եգիպտացւոց ամենասիրելի ծաղիկն էր և նորանից
նոքա կազմում էին պսակներ և փնջեր: Ալդ ծաղիկը Նեղոս գետի աստուածը
համարւելով, հին ժամանակներում նկարւում էր շատ չիշատակարանների
վերայ, որ ալժամ իսկ պահպանւած են: Լուտասն ինչպէս և մեր հարսնամատն
ունի անթիւ նեղ և սպիտակ թերթեր. երբ արեւ մայր էր մոտում, թեր-
թիկները ծածկում էին վարսանդի գլուխը, իսկ երբ արեւ ծաղում էր—
թերթիկները բացւում էին և ծաղիկն երևում էր ջրի երեսին: Մեր քեր
թողահայր Մովսէս Խորենացին իւր աշխարհագրութեան մէջ այդ ծաղիկի
առասպելական չափութեան մասին գրում է հետեւեալը՝ «Լինի Վփրիկէ
բանջար ինչ լուտաս անուն, զոր թէ ուտէ ոք՝ զհալրեմիսն մոռանալ»:

Լուսասը թէ Եդիպտոսում և թէ Հնդկաստանում սրբալան էր համար-
ւում և նշանակ էր պտղաբերութեան: Ուստի Հօրուս աստուածն որ ծագող
արեգական պատկերն էր համարւում, դարդարւած էր ալդ բոլսի ծաղիկ-
ներից կամ կոկոմներից կազմած պսակով, իսկ երբեմն էլ ալդ աստուածը
պատկերացնւում էր ջրից բարձրացող լուսասի ձեռով:

Յունաստանի և Հռոմի առասպելների մէջ ծաղիկներին առանձնա-
պէս մեծ նշանակութիւն չէ յատկացրած և աւանդութիւններից շատերը
խօսում են միայն մի քանի բոլսերի ծագման մասին: Որինակի համար՝
կարելի է լիշել պատանի Նարդիսին, որ իւր պատկերն աղբււրի մէջ տես-
նելով սիրահարւել է նորա գեղեցկութեան, բայց իմանալով որ իւր սիրոյ
ալդ առարկան չի կարող ձեռք բերել, լուսահատութիւնից լինքն իրան
սպանում է: Պատանու արիւնը ծաղկի է փոխարկւել և այն ժամանակից
կոչւում է Նարդիս, կրելով այն պատանու անունը: Յաւերժահարսները
նորա մարմինն ալբերու համար խարոյկ են պատրաստում, բայց նորա
դիակի փոխարէն՝ աճիւնի մէջ ծաղիկ են գտնում:

Դարինի՝ Ապոլոնից հալածւած, վախենալով որ նորա ձեռքը չ'ընկնի,
աղերսում է աստուածներին իրան պաշտպանել, ուստի փոխւում է դափնի
ծառի: Ապոլոնն ալդ ծառի տերներից պսակ է դնում իւր գլխին և հրա-
մալում է ալդ ծառն իրան նւիրել: Այս պատճառով Ապոլոնի տօնախմբու-
թիւններին, որ տեղի էին ունենում ինը տարին մի անգամ, դափնի էին
գործ անում:

Ադոնիս՝ Աստղիկի սիրեկանը, որսի ժամանակ վարաղից վիրաւոր-
ւած մնում է: Աւանդութիւնն ասում է՝ որ երբ Աստղիկն իւր սիրելւոյ
մահւան պատճառով սաստիկ վշտացած արտասւում է նորա դիակի վերայ,
Ադոնիս արիւնը վարդի է փոխւում, իսկ դիցունու արտասունքն ադոնիս
ծաղկի, որ հաջերէն կոչւում է վարդակակաչ:

Ի պատիւ Դիմիտրէ դիցունուն նւիրւած սրբազան հանդէսներում ամէ-
նացի տիկիւնները զարդարում էին իրանց անկողինը Դոստեաց ճանկ կոչւած
բոլսի տերներով, որպէս զի ալդպիսով հեռացնեն իրանցից գալթակղե-
ցուցիչ մտքերը: Սոյն բոլսն այն հիման վերայ լատիներէն կոչւում է vitæx
agnus castus, որ նշանակում է ողջախոհ գառն: Հին բժշկները գործ էին
անում ալդ բոլս իբրեւ անարատութիւն պահպանելու մի միջոց ¹⁾,
դուստր Միռափ արտասուքն է. որովհետև ալդ աղջիկը պատժւելով իւր
հօրը չափազանց սիրելուն համար, փոքր թփի փոխւեցաւ:

Ջմուռոս՝ որ Արաբիայում բուսնող մի ծառից ծորող անուշահոտ և
լեղահում խէժ է, ըստ աւանդութեան Կիպրոսի թագաւոր Կինարոսի

¹⁾ Քալանթարեանի Հին բժշկարանում որ ապւած է ն. Նախիջևանում 1793
թ. այս բոյսի մասին ասւած է՝ ասեմի և ասեւն նորին է դեղ ընդդէմ ցաւոյն
վաւաշոտութեան:

Շատ տեսակ աւանդութիւններ կան հաւ ծառերի մասին: Հին ազգերի առասպելների մէջ անխտիր կրկնուում է որ եղել են առանձին լատկութիւններ ունեցող ծառեր որ պաշտպանուում են օձից: Նա ով կը խմէր այդպիսի ծառերի պտղի հիւթը, երբէք չէր մեռնիր: Մանաւանդ սրբազան էր համարուում թէ կաղնի ծառն և թէ նոճին, որովհետև այս վերջինիս սաղարթը ձմեռն անգամ չէ թափւում: Նոճին ընդհանրապէս մեծարուում էր պարսկաստանում, իսկ Ամերիկայի հնդկներն ալ ծառը սրբազան համարելով կախում են նորա դանազան նւիրաբերութիւնների: Յունաստանում նոճիները համարւում էին Էթէոչի դասերը, որոց զիցունհին արհամարհում էր, որովհետև նոքա մրցում էին իրանց մօր հետ գեղեցկութեամբ:

Մրտենին նույնպէս սրբազան բոլս էր. նա Արէս պատերազմական Աստուծու նշանակն էր. վերջը գործ էր դրւում Աֆրոդիտէի պսակի մէջ, երբ ալ գիցունհին ծովից դուրս գալով սա տիրաներից հալածւած՝ թագ կացաւ մրտենեաց մէջ: Արեւելքում մինչև ակժմ ալ բոլոր սրբազան է համարւում. հրէաները մինչև օրս գործ են ածում ան տապանակի տօնին, իսկ արաբացիք համարում են ան երեք առարկաներից մին որ իբր Ադամը դուրս է բերել դրախտից:

Հիւսիսային Սերոպայի ազգերի առասպելաբանութեան մէջ հացենին տիեզերական ծառ էր. Գերմանիայում լորենին կիւրակի օրւան նւիրւած ծառ էր համարւում. իսկ թեղօշու մախրին (եղևինը) սրբազան ծառեր էին ալ երկրի շատ ազգերի համար: Սուրբ Մարտինը Ֆրանսիայում հեթանոսական մեհանները տապալելիս ձեռք չը տաւ թեղօշի անտառներին:

Ձիթենին դեռ մարդկութեան սկզբնաւորութիւնից լատնի է և նորա գեղեցկութիւնը լաճախ լիչուում է Ս. գրոց մէջ: Ձիթենին անտարակոչ թէ քրիստոնէից և թէ հրէից մէջ սրբազան չի շատակներ է չարուցանում, որովհետև ալ պատմական բոլոր կապւած է Քրիստոսի երկրաւոր կեանքի հետ. ուստի և ձիթենին մեծ պատիւ է վաւելում դոցա աչքում ևս հաւասարապէս:

Վերջապէս սրբազան տօների ժամանակ աստուածներին զանազան պտուղներ էին նւիրում, ինչպէս Բաքոսին գինի և մինչև անգամ պտուղներ և ծաղիկներ:

Այժմ դառնանք մեր ազգային ան աւանդութիւններին որ վերաբերում են մեր ազգի հեթանոսական ժամանակ բոլորին ցոյց տւած չարաքանքներին:

Հալոց հեթանոսութեան ժամանակ, երբ Բագրևանդալ դաշտում կատարւում էր Նաւասարդի տօնը, անշուշտ ալ տօնի հանգէսների ժամանակ

1) «Թուրոս Աղբաբ», մասն երկրորդ, Երես 45.

բուսական թագաւորութեան ներկայացուցիչները մեծ ծառաւորութիւն էին մատուցանում հանդիսակատարներին: Այդտեղ բազաւան կամ դիցաւան կոչւած աւանում կանգնած էր Ամենաբեղ Աստուծու արձանը, որ շատ սիրելի և պաշտելի էր Հայաստանում: Նա համարուում էր պտուղների խնամակալ և տարին մի անգամ՝ Հայաստանում բերքերի հասունանալու ժամանակ, հաւաքուում էր և հալ հեթանոս ժողովուրդը աշխարհախումբ մի աօն էր կատարում ճաւասարդ ամսի մէկից մինչև վեցը, և որովհետև Ամենաբեղ Աստուծու տօնը տարեգլխին էր ընկնում, ուստի այդ տօնն անուանում էին և՛ Ամանոր, որ նշանակում է տարին Նորոգող: Այդ տօներին հեթանոս հալ ալգեպանը նւիրում էր իւր պաշտելի Աստուծուն իւր քրտանց աշխատութեան պտուղները, հալցելով Նորա հովանաւորութիւնը:

Բացի սորանից պատմագիրները քիչատակում են որ Անահտայ տօնին Հալերը՝ ալգ դիցունհուն պատելու և մեծարելու համար, ի միջի ալոց ընծալում էին և բոլսեր: Աչսպէս, Ագաթանգեղոսի ասելով՝ Տրդատ թագաւորը հրամայեց Գրիգորին (Լուսաւորչին) մատուցանել Անահտայ պատկերին ծաղկեալ պսակ և ծառերի թաւ ոստեր: Բայց թէ ալգ պսակը ո՛ր ծաղիկներից էր կաղմած, կամ թէ ինչ տեսակ բոլսերի թաւ ոստերից էր հիւսւած՝ ալգ չէ քիչատակում պատմագիրը: Բայց պատմական քիչատակարաններից օգուտ քաղելով կարող ենք հետևեալ բացատրութիւնը տալ ալն բոլսերի ծաղիկների մասին:

Անահտայ ոսկէ արձանը կանգնած էր Մեծ և Փոքր Հալքի մէջ, Նկեղեաց գաւառի Սրիզալ աւանում, Գալլ գետի մօտ: Գարեգին Նպիսկոպոս Սրուանձտեանցը ¹⁾ կարծում է որ ալգ տեղը պէտք է լինի ալժման Սատաղ գիւղը, ուր իրաւ մինչև ցալժմ գտնւում են հնութեան քիչատակներ: Սատաղ գիւղը կանգնած է Աղ-գաղ կամ Սպիտակ լեռան վերալ, ոչ հեռու Նըղնկալից, մի ալնպիսի տեղում, որ վալել է ալգ դիցունհուն մահներին, Ալստեղից բացւում են երկու մեծ հովիտներ՝ մէկը Գէպի փոքր՝ միւսը Գէպի Մեծ Հալք և ալնտեղ ի ցոլց երկու կողմերի բնակիչների պէտք է լինէր կանգնած Անահտայ ոսկէ արձանը: Եթէ ալս ենթադրութիւնը ճիշդ է, ուրեմն Անահտայ տաճարը մի ալնպիսի տեղումն էր գտնւում, ուր Հայաստանի միջին և բլրալին բուսաբերութեան տեսակները կարող էին լինել, որոնց մէջ գտնւում են բազմատեսակ ծաղիկներ ու բարձրուղէ ծառեր: «Աղբերաց չրթներէն կը քաղենք չուշան ու գինեբուկն, լեռան կողերէն գաքն ու խաւարծիլը», ասում է Գարեգին Նպիսկոպոսը Նոյն երկասիրութեան մէջ: Մեր Նախնիքն էլ իրանց դիցունհուն պաշտելու և մեծարելու համար Սատաղ գիւղի մօտ և շուրջը կարող էին գտնել առատութեամբ վարդ ու հարսնամատ, դեղին անթաւամ, աղբերաց արիւն, Նարգիզ, մանուշակ, պէս պէս չուշաններ, գինեբուկն, վառվառկ, հոշոյ, մեծրածած, եղածաղիկներ և ալն, որոնցից կարելի կը լինէր հիւսել դեղեցիկ պսակներ: Իսկ ծառերից՝ կան կաղամախիի, թեղօշի, հացենիի,

տղկիի և ալաթահրի անտառներ: Ուրեմն մեր նախնիք Անահտին փառաբանելու և նորա հովանաւորութիւնը հալցելու համար կարող էին ալդ ծառերի թաւ ոստերը նւիրել իւրեանց դիցունհուն:

Բացի սորանից մեր նախնիքն ունէին և սրբազան պրակներ և անտառներ, որոց մասին Մ. Խորենացին վիշում է, ասելով թէ «զԱնուշաւան որ Սօս անւանէին, քանզի ձօնեալ էր ըստ պաշտմանց ի սօսիոն Արամանեկալ որ Վարմաւիր, զորոց զսաղարթուցն սօսաւիւն ըստ հանդարտ կամ սաստիկ շնչելոյ օգոյն և եթ ոստոց շարժուին, սովորեցան ի հմալս աշխարհիս հալկազանց և ալս բազում ժամանակաւ»¹⁾ Սորանից երևում է որ Սօսի ծառն և անտառը սրբազան էին համարուում և մեծարուում էին մեր նախնեաց կողմից իբրև իրանց բաղդի կամ վիճակի մասին կատարելու շարմար վալրեր:

Հեթանոս հալն պաշտում էր նոյնպէս բարտի ծառը, որովհետեւ Ներսէս Ենորհալին ընդհանրականի մէջ²⁾, ուղղելով իւր խօսքը Արևորդիներին, ասում է «և զբարտի ծառն մի աւելի պաշտէք քան զուրին և զկաղամախին և զալս ի ծառոց, քանզի ալդ ծառ, որ բարտի անւանի ի կուպաշտութեան ժամանակին ի պաշտօն առեալ էր նոցա լորս և զեք մտանէին և ի մարդկանէ երկրպագութիւն ընդունէին»:

Մաղիկներն ունէին նոյնպէս իրանց աստուածը. ալդ էր հօրուտ-մօրուտ գեղեցիկ սպիտակ ծաղիկն, որ իրան հետ բերում էր զարունը՝ հեթանոս հալին ձմեռւալ զժնդակ ու տաղտկալի անգործութիւնից սթափեցնող տարւան ալդ պանծալի եղանակը: Եւ ինչպէս չը պաշտէր հեթանոս հալն ալդ զարնանաբեր ծաղիկն ապրելով Հալաստանի պէս սառը և ձիւնապատ երկրում: Մի ոտանաւորի մէջ ալսպէս է դիմաւորում բանաստեղծը ալդ ծաղիկների դիցունհուն³⁾.

Եւ հօրուտիկ-մօրուտիկ

Դրախտի հիւսած նարօտիկ,

Նախշուն սիրուն խատուտիկ,

Կանաչ դաշտաց դիցունհիկ:

Եւ հօրուտիկ-գարնան դիք

Չեռումս դրախտի բանալիք,

Դրախտի զռներ բաց արի

Գարուն տամ ձեր աշխարհի և ալին:

Հեթանոս հալ ժողովուրդն՝ իւր պարնան դիցունհուն պաշտելուց զատ, սրբազան և նւիրական էր համարում և ուրիշ ծաղիկներ և խոտեր: Ալսպէս

¹⁾ Մ. Խորենացի, գիրք Ա, գլ. Ի:

²⁾ Ընդհանրական Ն. Ենորհալուոյ, յաղագս Արևորդացն դարձի:

³⁾ Հօրուտ-Մօրուտ, գարուն Հայաց աշխարհի, Սամելլ Գիւլղադեանց. Մեղու Հայաստանի, № 25, 1884 թ.:

Մովսէս Խորենացու բերած գուսանաց երգերի ալս հատւածը թէ. «ալ և ասն, տենչալ Սաթինիկ տիկին տենչանս՝ զարտախուր խաւարտ և զտեց խաւարծի ի բարձիցն Արգաւանալ»¹⁾, որ թէև մի քանի բառերի բուն նշանակութիւնը չիմանալու պատճառով, բոլոր թարգմանիչներից ալսապէս է բացատրւած, սակաւն ալդ հատւածի մէջ մի քանի չափերի տնուներ են լսում, որ իւր ժամանակին Սաթինիկի ալուած ու դառնացած սրտին սպեղանի պէտք է լինէին: Ալանաց Նազելի Սաթինիկն՝ Արտաւազդի բարք ու վարքից դառնացած՝ իւր ընտանեկան կեանքի համար, սաստիկ ցանկանում էր Արգաւանալ զոգից ստանալ՝ զարտախուր, խաւարտ և խաւարծի բոլսերի նորածիլ տերևները: Բայց թէ ինչ նշանակութիւն ունէին ալդ բոլսերն ալն ժամանակ և ինչ խորհրդով էին գուսանաց երգերում դոքա երգւում, անկարելի է առ ալժմ ալս հարցերին բաւարար մեկնութիւն տալ²⁾:

(Վերջը մեւս համարում)

¹⁾ Մ. Խորենացի, գերք Ա, գլ. Լ.

²⁾ Պ. Նիքրեմ Դաւթեանը «Արձագանքի» 1886 թ. N 39, հիմնւելով Հայոց լեզուի մի քանի արմատական բառերի և քերականական յայտնի կանոնների վերայ, փորձում է այդ հասուածին հետեւեալ բացատրութիւնը տալ՝ «Սաթինիկ տիկինը սաստիկ ցանկանում էր փայփայել Արգաւանայ արտաքուստ սամրապատ արտախուրը և նորա թաւշեայ բարձերի փունջը»: Սակայն հանդուցեալ պրոֆէսոր Գ. Պատկանեանը իւր «Материалы для Армянского Словаря» (Հայ բառգրքի համար նիւթեր) մէջ, յիշեալ բառերը՝ զարտախուր, խաւարտ, խաւարծի համարում է բոյսեր և սոցանից զարտախուրը Լեւոնդերում է պարսից զարդէի վաբը, որ պարսկէի խոս է գեղին ծաղկով և անուշ հոտով: